

Liujcwngz: Banh Aen Hozdung “Fanh ‘Fuk’ Doiqlien Soengq Fanh Ranz”

柳城：举办“万‘福’春联送万家”活动

2 nyied 9 hauh, Liujcwngz Yen Bwzyangz Gvangjangz nauhyied raixcaix, 60 boux canghsijcih, Suhhez veiyenz yienhciengz yub maeg vih vunzlai sij cih “fuk” caeuq doiqlien mbouj aeu cienz.

Ciuq cam rox, bineix 1 nyied, Liujcwngz Yen Cungjunghvei lienzhah Yienh Vwnzlenz haiguh le aen hozdung soucomz “bak fuk doiqlien haenhdanq Liujcwngz” aeu “haenhdanq seizdaih moq ciengqgok Liujcwngz moq” guh cawjdaez haenx, gungh soucomz ndaej doiqlien 395 fouq. Ginggvaq Liujcouh Si、Liujcwngz Yen song gaep lauxhangz bingzdingh, bingzsenj ok it、ngeih、sam daengj ciengj、youhsiu ciengj、haeujaengh ciengj gungh 100 boux vunz.

Cungjunghvei dawz 100 fouq doiqlien soucomz、bingzok haenx cienzbouh yungh haeuj mbat hozdung “fanh ‘fuk’ doiqlien soengq fanh ranz” haenx. Gyoengq lauxsae caeuq hagseng daj Liujcouh Si Suhfaz Yisuzuyn、Gyaho Suhzen、Liujcwngz Yen Cizgungh Suhfaz Hezvei veiyenz daengj comz youq itheij, ciuq gij neiyungz vunzlai senj haenx, yienhciengz yub maeg sij doiqlien, dan banhaet couh soengq le 11000 cih “fuk” caeuq doiqlien mbouj aeu cienz.

(Dwng Gwzyi/邓克轶)

► Canghsijcih yienhciengz vih vunzlai sij doiqlien mbouj aeu cienz.



▲ Gyoengq vunzlai bae yawj-
ngonz aen cangj moq bonjdieg yaek
guhbaenz haenx.

Ningzmingz:

Vih Okrog Guhhong Nungzminz Dauq- ma Mbanjranz Rahong Daezhawj Fuzvu 宁明：为农民工返乡就业提供服务

2 nyied 11 hauh, Ningzmingz Yen Cwngzcungh Cin heuhcomz le 100 boux nungzminz youq rog guhhong dauqma mbanjranz haenx bae yawjngonz Bingzsiengz—Ningzmingz Gizgyagoeng Gaicawx, dangjeij suhgi Lingz Yij yieqq daihgua ciengzsaeg gangjeij dangdieg guhhong gak hangh youhvei cwngcwz, gujli gyoengq nungzminz baengz-youx youq rog guhhong haenx ma ndaw mbanjranz guhhong, vih hwnjguh mbanjranz bonjfaenh ok faenh rengz ndeu.

(Couh Yizganh/周 贻刚 Cangh Gunhgunh/张昆昆)

Yungzsuij: Ciengmoq Soengq Raeujrub

融水：新春送温暖

2 nyied 11 hauh, Liujcouh Siveij Cujcizbu、Liujnanz Gihveij Dungi-canbu、16 gya simndei giyez daengj danhvei, bae daengz Yungzsuij Dalang Cin Mbanjdasinh lienzhah haiguh aen hozdung “dangjyenz comzrengz bang Dasinh • cingznangq lwghag giengz canjyez”. Hawj 59 boux siujhagseng caeuq vunzlai dangjyenz gungzhoh Mbanjdasinh faenbied soengq bae buhmienz、haiz gyaqcienz dij 4 fanh maenz caeuq denzfaiq、youzgnw daengj gyaqcienz dij 5 fanh maenz ngaenz yienghneix, lij yienhciengz ciemdingh canjyez banggunz cienznaganz 10.5 fanh maenz, roengzrengz doihengz cingcinj vutgunz.

(Lungz Linzci/龙林智)



▲ Simndei giyez youq gwnz yizsi hawj
cunhminz daiqbiuj soengq cienznaganz canjyez.

Mungzsanh: Langhbaij Mbawsiengq Lajmbanj Habyouq Coux Ciengmoq

蒙山：举办宜居乡村摄影展迎新春



▲ Gyoengq vunzlai bae yawjngonz
mbawsiengq langhbaij.

2 nyied 10 hauh, Mungzsanh Yen leihyungh seizndei gyoengqvunz okrog guhhong doxcaeh ma ranz gvaq cieng haenx, guh buek faqbenj hung ndeu langhbanj mbawsiengq, gyonjcomz langhbaij cwngzgoj aen yienh neix mbanjranz habyouq cawjdaez hozdung, aeu yienghneix ma doidoengh “Guengjsae gyaunde” lajmbanj gensez hozdung engqgya gvangqlangh haeujlaeg bae guh.

(Gvanh Sinh/关新)